



Titulli i projektit

Studimi i nevojave për investime për ndërtimin e Dhomave Frigoriferike dhe Qendrave të Grumbullimit e Magazinimit të produkteve bujqësore dhe blegtorale në Zonën Funksionale të Lezhës dhe zbatimi i tyre

Tipi i projektit

Zhvillim ekonomik

Vendndodhja e projektit

Dajç, Blinisht, Kallmet, Ungrej, Balldre, Zejmen, Kolsh, Shënkoll, Lezhë, Shëngjin.

Buxheti i paravlerësuar

200,000 Euro

Përshkrimi dhe analiza e problemit/eve

Megjithë potencialin e lartë për zhvillim bujqësor dhe blegtoral që ka Zona Funksionale Lezhë, infrastruktura territoriale dhe logjistike nuk krijon mundësi të mjaftueshme. Zonës i mungojnë qendra të konsoliduara të grumbullimit, ruajtjes dhe ftohjes së produkteve bujqësore dhe blegtorale (drithërave, frutave, perimeve, agrumeve, qumështit e mishit). Jo vetëm që ato mungojnë, por Zona nuk disponon as një studim të përpunuar se ku mund të ngrihen këto pika. Prodhimet, ose i shiten direkt konsumatorit final (p.sh.: fermerë lokalë që shesin në buazë të rrugëve në pamundësi për të siguruar treg shitjeje në një mënyrë tjetër), ose mbliiden, ruhen dhe transportohen më së shumti në kushte të papërshtatshme. Shkëmbimet tregtare midis prodhuesve dhe përpunuesve nuk janë të formalizuara. Ato nuk realizohen në mënyrën më eficiente dhe efektive të mundshme, sipas një plani të studiuar mirë, në përputhje me nevojat e bizneseve dhe kërkesës së tregut (p.sh.: kosto të larta transporti për operatorët si pasojë e fragmentarizimit të lartë të tregjeve).

Qëllimi/et specifik të projektit

Objektivi i përgjithshëm i projektit është të kontribuojë në zhvillimin ekonomik të zonës nëpërmjet mbështetjes së një prej sektorëve prioritarë të saj, siç është bujqësia dhe blegtoria. Objektivat specifikë janë: Krijimi i kushteve paraprake për një aktivitet ekonomik eficient dhe efektiv të bizneseve bujqësore, blegtorale dhe agro-industriale, sipas një plani të përshtatur me logjistikën në dispozicion, aksesin më të mirë, potencialin dhe nevojat e operatorëve ekonomikë në sektor; Mbledhja dhe ruajtja e produkteve bujqësore në kushte të përshtatshme higjeno-sanitare nëpërmjet konsolidimit të infrastrukturës bujqësore dhe blegtorale

Rezultatet e pritshme dhe treguesit

Nga ky projekt pritet të përfitojnë të gjitha njësitë vendore të zonës funksionale (10 njësi), përfshirë ato të cilat tipikisht janë të specializuara në bujqësi e blegtori. Edhe ato që nuk janë të tilla, si p.sh.: Lezha apo Shëngjini, do të shërbejnë si qendra logjistike në rrejt për t'i dhënë akses prodhimeve në tregjet kombëtare dhe më tej. Numri i popullsisë përfituese është ajo banuese në të gjithë territorin e Zonës, 102792 banorë (sipas Regjistrimit Civil 2011) ose 65633 (sipas Census 2011). Pikat e grumbullimit, magazinimit dhe ftohjes, jo domosdoshmërisht do të ngrihen në çdo njësi, por do jenë të grupuara sipas kërkesës dhe suportit logjistik përreth. Treguesit kryesorë të këtij projekti janë:

- Mbështetje e futjes së sistemeve të cilësisë dhe sigurisë ushqimore, si dhe pakësim i humbjeve pas vjeljes dhe përmirësim i teknikave dhe kapaciteteve ruajtëse;
- Përmirësim i trajtimit dhe menaxhimit të mbetjeve nga sektori bujqësor;
- Përmirësim i magazinimit dhe tregtimit të produkteve të frutave dhe perimeve.



Aktivitetet e projektit

Projekti, i cili do të përfshijë studim dhe zbatim investimesh, planifikohet të zgjasë 2.5 vite. Aktivitetet janë:

1. Studim i fizibilitetit të zonës:

- Studim / analiza e tregut - përfshin vlerësimin e mundësive të tregut në terma të produkteve, çmimeve, logjistikës / kanaleve të tregut, tregtimit / promovimit; (koha e nevojshme: 1 muaj; kosto: 4-5 mijë Euro)
- Identifikimi i fermerëve / grupimeve të fermerëve që mund të përfshihen në skemat e furnizimit të kontraktuar dhe intensifikimit të prodhimit (takime, grupe pune, evente të tjera, vizitë studimore); (koha e nevojshme: 3 muaj; kosto: 8-10 mijë Euro)
- Identifikimi i vendndodhjes dhe projektimi i investimeve fizike – përcaktimi i specifikimeve teknike të infrastrukturës; (koha e nevojshme: 2 muaj; kosto: 10-15 mijë Euro)

· Studime plotësuese – përfshin mbështetjen ligjore për realizimin e investimeve (krijimit të strukturave menaxhuese) dhe analizën financiare të kostove dhe përfitimeve; (koha e nevojshme: 2 muaj; kosto: 8-10 mijë Euro)

2. Punime dhe pajisja me teknologji mbështetëse e pikave të mbledhjes dhe përpunimit pjesor të produkteve (me qëllim tregtimin):

- Ndërtimi / rehabilitimi i infrastrukturës fizike – në varësi të gjetjeve të studimit të fizibilitetit; (për 1 njësi / koha e nevojshme: 9 muaj; kosto: 60-70 mijë Euro)
- Pajisja me teknologji mbështetëse – në varësi të gjetjeve të studimit të fizibilitetit; (për 1 njësi / koha e nevojshme: 3 muaj; kosto: 40-60 mijë Euro)
- Asistenca teknike për zbatimin e "EUREP GAP / GLOBAL GAP" dhe "QUALITY CONTROL" (koha e nevojshme: gjatë zbatimit të projektit – 18 muaj; kosto: 20-25 mijë Euro, që mbulohet nga përfituesi).

3. Marketim dhe promovim i iniciativës dhe produkteve:

- Pjesëmarrje në panairë dhe takime "B2B" (koha e nevojshme: 2-3 takime gjatë vitit të parë të zbatimit; kosto: 6-7 mijë Euro)
- Përgatitje dhe shpërndarje e materialeve promovuese (koha e nevojshme: gjatë vitit të parë të zbatimit; kosto: 2-3 mijë Euro)

Maturimi i projektit

Projekti përfshin hartimin e një studimi fizibiliteti për Zonën Funksionale Lezhë lidhur me nevojat për investime në ngritjen e pikave të grumbullimit, magazinimit dhe ftohjes së prodhimeve bujqësore e blegtorale. Ai do nisë me një studim fizibiliteti, i cili mungon për këtë sektor dhe më pas do zhvillohet më tej nëpërmjet zbatimit të disa investimeve prioritare (ngritjes së këtyre pikave) dhe themelimin e strukturës institucionale që do ta menaxhojë këtë rrjet. Nëse studimi nuk harthohet paraprakisht, do jetë e vështirë që investimet të orientohen aty ku duhet. Gjithashtu, nëse mbrapa nuk ka një strukturë institucionale për menaxhimin dhe mbarëvajtjen e tij, do jetë e vështirë që kjo nismë të jetë koherente.

Burimet e financimit dhe partnerët në zbatim

Burimet e financimit mund të jenë të diversifikuara; fonde publike dhe private, nga buxheti Bashkisë së madhe, fondet IPARD të BE-së, etj..

Aktor i përshtatshëm për zbatimin e projektit mund të jetë Drejtoria Rajonale e Bujqësisë, në bashkëpunim me Bashkinë e madhe dhe shoqata fermerësh në zonë.

Kostot e projektit

Projekti mendohet të kushtojë 158.000 – 205.000 Euro

- Studim i fizibilitetit: 30 – 40 mijë Euro;
- Punime dhe pajisja me teknologji mbështetëse: 120 – 155 mijë Euro;
- Marketim dhe promovim i iniciativës dhe produkteve: 8 – 10 mijë Euro.